

«Las vischnancas deblas profitan il pli bler»

La schefa dal Departament chantunal da finanzas e vischnancas prenda posiziun davart la refurma da la gulivaziun da finanzas

CUN CUSS. GUV. BARBARA JANOM
HA DISCURRÌ MARTIN CABALAZR

Ils 28 da settember decida il suveran grischun davart la refurma da la gulivaziun da finanzas. Il cussegli grond aveva acceptà la lescha correspondenta cun 97 cunter 4 vuschs e 2 absteniuns. Damai che cunzunt vischnancas bainstontas da l'Engadin'olta han tschiffà il referendum ha il pievel uss l'ultim plaid en quest chapitel. La Quotidiana ha discurri cun la schefa dal departament chantunal da finanzas e vischnancas Barbara Janom Steiner che è stada involvida esenzialmain in l'elaborazion da la seunda proposta per ina gulivaziun da finanzas moderna per il chantun Grischun.

Tgi profita il pli bler da la refurma da la GF?

Las vischnancas finzialmain deblas profitan il pli bler da la refurma da la GF. Questas vischnancas èn situadas per gronda part a la periferia ed han per regla ils pes da taglia ils pli auts. Ellas vegnan sustegnidias ferm tras la gulivaziun da las resursas e tras la gulivaziun da las grevezzas geografic-topograficas ch'en dotadas generusamain. Ellas na ston berg pli fixar lur pe da taglia a 120 u 130 pertschient per survegnir meds finanzials da gulivaziun.

La gronda part da las vischnancas vegn distgargiada tras la refurma da la GF. Questa distgargia s'augmenta tendenzialmain tut tenor quant fitg ch'il potenzial da resursas diminuescha. Per reducir las differenzas en la capacitat finzialda ed en la grevezza fisicala da las vischnancas vegnan las vischnancas las pli fermas engrevigadas in pau pli fitg. Quai rinforza la solidaritat entaifer il chantun. Sche las 146 vischnancas vegnan sudivididas en sis gruppas tenor lur potenzial da resursas.

La gronda part da las vischnancas vegn distgargiada

Datti er vischnancas cun paucas resursas che han in saldo negativ?

I dat 15 vischnancas finzialmain deblas cun pes da taglia tranter 105 e 130 pertschient che han en la bilan-tscha globala in minus da passa 100 francs per abitanta ed abitant. Sche las proximas fusiuns da vischnancas pon vegnir realisadas tenor plan sa redusescha quest dumber cleramain. Questas vischnancas perdan ils privilegis da la gulivaziun da finanzas vertenta. Ma er cun il nov sistem vegnan elllas sustegnidias surproporzionalmain ferm. Durant ils emprims quatter fin maximalmain tschintg onns survegnan elllas contribuzions da gulivaziun supplementaras. La gronda part da las vischnancas cun auts pes da taglia profitan. L'entir maletg constat. La refurma da la GF ademplescha pia er il princip d'ina purschida decentrala en abitadis decentrals.

Profita la Val dal Rain grischuna sin donn e cust da la periferia?

Las vischnancas a la periferia profitan cleramain il pli fitg da la refurma da la GF. Uschia profitan las vischnancas en la Val Calanca cun en media circa 750 francs per abitanta ed abitant,



Cusseglieria guvernativa Barbara Janom Steiner è schefa dal Departament chantunal da finanzas e vischnancas.

FOTO O. ITEM

quellas en Valragn cun en media 420 francs, la Val Stussavgia cun passa 400 francs e la Lumnezia cun 290 francs per abitanta ed abitant. En la Val Mesauc è il profit 270 francs e per Brusio e Puschlav en media passa 300 francs per abitanta ed abitant.

da las vischnancas deblas. D'ina dis-tgorgia profitan per exemplu las vischnancas d'Arosa, Tavau, Flem, Laax, Lantsch, Savognin, Vaz e Zernez e stgars la mesadat da las vischnancas da l'Engadin'Ota.

Da las 11 vischnancas da l'Engadin'Ota èn suttamessas ad ina grevezza supplementara mo las sis vischnancas las pli ritgas. Il saldo da la refurma corrispunda fitg ferm a quel.

Er tschintg dals 11 cumins d'Engiadina Ota profitan

Las vischnancas da la Val dal Rain grischuna profitan medemamain da la refurma da la GF, dentant betg sin donn e cust da la periferia. Las 19 vischnancas dal Grischun dal nord inclusiv il Signuradi ed ils Tschintg Vitgs profitan cun bundant 150 francs per abitanta ed abitant. Pervia dal grond dumber d'abitantas e d'abitants resulta in total da circa 12 milions francs. La gronda part da questas vischnancas na survegnan oz naganas contribuzions dal fond da gulivaziun da finanzas, cumbain che bleras dad elllas han paucas resursas.

La gulivaziun da finanzas actuala è concepida per las vischnancas pi-tschnas cun auts pes da taglia. Da nov duain vegnir tractadas tut las vischnancas tuttina, independentamain dal dumber d'abitantas e d'abitants ed independentamain dal pe da taglia. Decisiv èn mo il potenzial da resursas sco er las grevezzas pervia da la topografia, pervia da la demografia e pervia da la scola populara.

Vischnancas a la periferia profitan il pli fitg

Vegnan las vischnancas turisticas indebidas?

Las vischnancas turisticas vegnan tractadas tuttina sco tut las autres vischnancas. La refurma da la GF engreviescha in pau pli fitg mo las vischnancas turisticas las pli ritgas. Ellas vegnan a stuair attribuir a la gulivaziun ina part moderada e legalmain limitada da lur resursas, e quai a favur

Pli transparent e dirigibel

Il cuntrari è il cas. Ils tschaints d'aua vegnan resguardads da nov tuttina sco las outras entradas relevantas da las vischnancas, quai vul dir tuttina sco las taglias da las persunas naturalas, da las persunas giuridicas e las taglias sin immobiglias. Uschia vegn eliminada la finanziazion unilateralala da la gulivaziun da finanzas ch'exista oz sin basa dals tschaints d'aua e sin basa da las taglias da las persunas giuridicas. Actualmain pajan tut las 117 vischnancas cun tschaints d'aua sis pertschient da quels tschaints a la gulivaziun da finanzas. Questa summa importa passa trais milions francs per onn. Da nov pajan mo pli 45 vischnancas finzialmain fermas ina taxa sin lur tschaints d'aua. La prelevaziun dals tschaints d'aua importa totalmain mo pli 1,6 milions francs, quai vul dir mo pli bundant la mesadat da la prelevaziun vertenta. Uschia restan per exemplu las vischnancas da Murmadera e da Ferrera er suenter la gulivaziun da finanzas quatter fin tschintg giadas pli ritgas che la media da tut las vischnancas.

È la refurma da la GF memia cumpligada e malchapibla?

Il project è pretensius. Ma il motiv persuerter èn ils problems da la gulivaziun da finanzas vertenta. Questa gulivaziun cun ses pajaments nunsur-tesevels en passa 40 singuls secturs è dal tuttafatg surchargiada. Sche nus detretschain quest scumbig finzial cumpligà èsi logic che quai è cumbinà cu un intervenziuns en tut questi

È la gulivaziun da finanzas federala in bun exemplu per il Grischun?

La gulivaziun da finanzas federala ademplescha en sia concepziun da basa tut las pretensiuns ad in sistem da gulivaziun efficazi. Ella è sa cumprovada bain, er sch'ls chantuns che pajan critigeschan ussa fermamain la gulivaziun. Numerus chantuns han en il fratemper er adattà lur atgna gulivaziun da finanzas. Il concept tscher-ni resguarda las differenzas entaifer il chantun tant da la vart da las entradas sco er da la vart da las grevezzas minga mai cun in instrument separà ed effizient. El funcziuna independentamain dal dumber da las unitads territorialas ed uschia er anc sch'lg avess da dar en il Grischun per exemplu mo pli 50 vischnancas.

Refurma resguarda las differenzas entaifer il chantun

Ina gulivaziun da finanzas grischuna ch'è cumpatible cun tala da la confederaziun è er impurtanta per ch'il avvantatgs dal sistem federal hajan in bun effect. Ultra da quai perdean nus pli e pli nostra vardaivaldad sche nus restain plantads sin nossas structuras veglias e preten-dain prestaziuns da solidaritat da la confederaziun e dals chantuns che pajan.

Restrencha la nova gulivaziun da

finanzas la multifariadad en il chantun?

La multifariadad vivida entaifer il Grischun pon il chantun e las vischnancas promover mo uschenavant ch'els funcziunan sezs. La gulivaziun da finanzas duai - sco il sistem d'avinas en il corp uman - garantir il pro-vediment da la populaziun cun ina basa da prestaziuns statalas er en las valladas periferas. Senza ina gulivaziun da finanzas che funcziuna na pu-dessan numerus vischnancas betg survivor. La gulivaziun da finanzas na chaschuna betg in unifurmaziun resp. ina nivellaziun da las entradas e da las expensas da las vischnancas. I restan anc adina differenzas considerablas. Quellas duain però restar en in rom acceptabel per che la coesiun in il chantun na vegnia betg perclitada.

Blochescha la nova gulivaziun da finanzas l'atgna iniziativa da las vischnancas retschavidras?

La nova gulivaziun da finanzas rinforza l'autonomia e las libertads da decider da las vischnancas, particolarmain da las vischnancas retschavidras. Quellas survegnan da nov ils meds finanzials da gulivaziun independentamain da lur pe da taglia e da lur politica d'ex-pensas. La gulivaziun da finanzas miti-giescha exclusivamain las differenzas d'in rom natiral tranter las vischnancas. El na fa pia betg che las vischnancas finzialmain deblas davant pul-trunas u marschas, il cuntrari. Oravant tut vischnancas cun structuras deblas da la periferia survegnan uschia novas schanzas da sa sviluppar. I na manca betg vi dals stimulis finanzials per megliear l'atgna situaziun. Entradas che mancan na vegna betg gulivadas complettamain, mabain mo fin a 70 pertschient da la media dal Grischun.

Nova gulivaziun rinforza l'autonomia comunala

Ina gulivaziun da finanzas che funcziuna è ina complettaziun indis-pensabla per l'autonomia finziala e fiscale da las vischnancas. La gulivaziun da finanzas e l'autonomia comunala èn las duas varts da la medaglia federalistica. Da la gulivaziun da finanzas na profitan betg mo las vischnancas retschavidras, mabain en emprima lingua las vischnancas finzialmain fermas cun ils pes da taglia favuraives.

Tge capita sche la nova gulivaziun da finanzas na funcziuna betg sco giavischà?

Nagina lescha vegn fatga per l'eternitad. Ils effects da la nova gulivaziun da finanzas ston vegnir evaluds sistematicamain. Il cussegli grond vegn in-furmà periodicamente quant bain che las finimiras ch'el ha fixà vegnan ademplidas. La dotaziun dals instru-ments centrals da la gulivaziun po el adattar en in rom prescrit da la lescha. El po er curreger la lescha sche quai è necessari. Il mund vegn a sa sviluppar vinavant en moda dinami-ca. Cun la nova gulivaziun da finanzas faschain nus en mintga cas in grond pass enavant. Spetgar sin in meglior sistem na fissi betg raschunai-vel e fissi in pass enavos. La refurma da la GF è madira e pronta per la rea-lisaziun.